

Ақийда дарслари (76-дарс). Лавҳ, қалам ва тақдирнинг ўзгармаслигига иймон



15:00 / 09.03.2020 4474

(биринчи мақола)

Лавҳ ва қаламга, унга чизилган жамики нарсага иймон келтирамиз.

«Лавҳ»дан мурод Аллоҳ таоло халойиқнинг тақдирларини ёзган нарсадир. «Қалам»дан мурод Аллоҳ таоло яратган ва у билан мазкур лавҳга қадарларни ёзган қаламдир.

Бас, лавҳга, қаламга ва қалам билан лавҳга ёзилган нарсага иймон келтириш лозимдир.

Далиллар:

۲۱ ﴿مَحْفُظٌ لَوْجٍ فِي مَجِيدٍ قُرْءَانٌ هُوَ بِلٌ﴾ ۲۲

1. «Йўқ! У Қуръони мажиддир. Лавҳи Махфуздадир» (Буруж сураси, 21-22-оятлар);

سُطُرُونَ وَمَا أَلْقَمْتَ

2. «Нуун. Қалам билан ва сатрларда ёзиладиган нарса билан қасам» (Қалам сураси, 1-оят).

3. Расулуллоҳ соллаллоҳу алайҳи васаллам:

«Аллоҳ Лавҳул маҳфузни оқ дурдан яратгандир. Унинг саҳифалари ёқутдандир. Қизилдир. Қалами нурдир. Китоби нурдир. Унда ҳар куни Аллоҳ учун уч юз олтмиш лаҳза бор. Унинг кенглиги осмон билан ернинг орасича. Ҳар куни унга уч юз олтмиш марта назар солади. Халқ қиласди. Ризқ беради. Ўлдиради. Тирилтиради. Азиз қиласди. Хор қиласди. Хоҳлаган нарсасини қиласди», деганлар (Тобароний «Муъжамул Кабийр»да ривоят қилган).

4. Расулуллоҳ соллаллоҳу алайҳи васаллам:

«Аллоҳ биринчи халқ қиласди нарса қаламдир. Бас, унга: «Ёз!» деди. У: «Эй Роббим, нимани ёзай?» деди. У Зот таборака ва таоло: «Қиёматгача бўладиган ҳар бир нарсанинг тақдирини ёз», деди», дедилар (Абу Довуд Убода ибн ас-Сомитдан ривоят қилган).

Аллоҳ энг аввал халқ қиласди нарса сувдир, кейин эса Аршдир. Бунинг далили имом Муслимнинг «Саҳиҳ»ида собит бўлган ҳадисдир.

Бу ҳадисда Расулуллоҳ соллаллоҳу алайҳи васаллам:

«Аллоҳ халойиқнинг тақдирларини осмонлару ерни яратишдан эллик минг ийил аввал ёзгандир. Ўшанда Арши сув устида эди», деганлар.

Шундан очик-ойдин кўриниб турибдики, тақдирни ёзиш Аршни халқ қиласдан кейин бўлган. Шунингдек, сувни ҳам халқ қиласдан кейин бўлган. Шу билан бирга, Қуръонда сувни яратиш Аршни яратишдан олдин

бўлгани очик-оидин айтилган.

Аллоҳ таоло: «Ва Арши сув устида эди», демоқда (Ҳуд сураси, 7-оят).

Имом Аҳмад ва Термизий Абу Розий Уқайлийдан ривоят қилган ҳадисда:
«Сув Аршдан олдин халқ қилингандир», дейилган.

Агар халойиқнинг ҳаммаси жамланиб, Аллоҳ «бўлади», деб ёзиб қўйган нарсани бўлмайдиган қилишга уринсалар ҳам, унга қодир бўлмаслар. Агар уларнинг ҳаммаси жамланиб, Аллоҳ ёзмаган нарсани бўлдиришга уринсалар, унга ҳам қодир бўлмаслар. Қиёмат кунигача бўладиган нарсани қалам ёзиб бўлган.

Бу жумлаларда ҳар бир нарса лавҳга ёзиб қўйилгани ҳақидаги юқорида зикр қилинган маънони майдалаб тушунирилмоқда.

Яъни Аллоҳ бўлишини тақдир қилиб қўйган ишни борлиқдаги ҳамма халойиқ бўлдирмасликка ҳаракат қилсалар ҳам, албатта бўлади. Шунингдек, Аллоҳ Лавҳга ёзмаган нарсани бўлдиришга уринсалар ҳам, бўлмайди. Чунки тақдир қалами қиёматгача бўладиган ва бўлмайдиган ҳар бир нарсани ёзиб бўлган. Унинг сиёхи қуриб бўлган.

Далиллар:

بَعْدِهِ مِنْ لَهُ مُرْسِلٌ فَلَا يُمْسِكُ وَمَا لَهُ كَامْسِكٌ فَلَا رَحْمَةٌ مِنْ لِلنَّاسِ إِنَّ اللَّهَ يَفْتَحُ مَا

1. «Аллоҳ одамларга не раҳматни очса, бас, уни тутиб қолувчи бўлмас. У Зот тутиб қолган нарсани Ундан кейин қўйиб юборувчи бўлмас» (Фотир сураси, 2-оят);

2. Расууллоҳ соллаллоҳу алайҳи васаллам:

«Аллоҳим! Сен берган нарсани ман қилувчи йўқ. Сен ман қилган нарсани ато қилувчи йўқ. Бойга сенинг ҳузурингда бойлиги наф бермас», деганлар (Бухорий ва Муслим ривоят қилишган);

3. Расууллоҳ соллаллоҳу алайҳи васаллам:

«Йўқ! Балки қаламлар қуриган ва тақдир жорий бўлган нарсададир», деганлар (Муслим Жобирдан ривоят қилган);

4. Расууллоҳ соллаллоҳу алайҳи васалламнинг Ибн Аббос розияллоҳу анхуга ўргатган нарсалари:

«Сен Аллоҳни муҳофаза қил: У сени муҳофаза қилади. Сен Аллоҳни муҳофаза қил, уни қаршингда топасан. Қачонки сўрасанг, Аллоҳдан сўра. Қачонки ёрдам талаб қилсанг, Аллоҳдан ёрдам талаб қил. Билки, агар умматнинг ҳаммаси жам бўлиб, сенга бирор наф бермоқчи бўлсалар, Аллоҳ ёзган нарсадан бошқа нарсада ёрдам бера олмайдилар. Агар сенга бирор зарар етказиш учун жам бўлсалар, Аллоҳ ёзган нарсадан бошқа нарсада зарар етказа олмайдилар. Қаламлар кўтарилиб, саҳифалар қуриғандир» (Термизий ривоят қилган).

Бандадан адашган нарса унга мусибат бўла олмас, Унга етган мусибат ундан адашиб кетмас.

Бу ҳам тақдир қилинган нарса бўлмасдан қолишининг иложи йўқлигини баён қилишдир. Яъни бандага етмай, ундан адашиб кетган бало ва мусибатлардан Аллоҳ уни сақласа, ҳеч ким унга ўша бало ва мусибатларни етказа олмайди. Унга етган бало ва мусибатларни эса ҳеч ким ундан арита олмайди. Чунки Аллоҳнинг ҳукмини рад қилувчи ва Унинг қазосини ман қилувчи ҳеч ким йўқ. У Зот нимани тақдир қилса, бўлади. Нимани тақдир қилмаса, бўлмайди.

(Давоми бор)

«Ақоид илми ва унга боғлиқ масалалар» китобидан